

Законом о извршавању Буџета Федерације Босне и Херцеговине одредиће се износ и намјена средстава за кориснике из члана 15. овог Закона.

#### Члан 16.

Критерији за додјелу намјенских грантова кантонима и јединицама локалне самоуправе утврђују се подзаконским актом.

#### Члан 17.

Средства за робне резерве Федерације из члана 14. тачка 17. овог Закона осигуравају се у складу са програмом и потребама Федерације у случају ванредних прилика, елементарних непогода и ради осигурања стабилности тржишта у случају већих поремећаја на тржишту, под условима и на начин утврђен федералним законом као и средства за резерве производа са посебном намјеном према усвојеном програму.

#### Члан 18.

У Буџету Федерације осигуравају се средства за финансирање и других обавеза, потреба и задатака које у складу са Уставом Федерације и федералним законима финансира Федерација.

#### Члан 19.

Надзор над провођењем овог Закона врши Федерално министарство финансија.

### IV. ПРЕЛАЗНЕ И ЗАВРШНЕ ОДРЕДБЕ

#### Члан 20.

##### Израда формула

Приликом израде формула приказаних у овом Закону, Федерално министарство финансија користи податке Федералног завода за статистику и/или Агенције за статистику Босне и Херцеговине.

#### 1. Прелазне одредбе

#### Члан 21.

Формуле из чл. 9. и 12. овог Закона уводиће се постепено током шестогодишњег периода, према формули:

Година 1	$X(i) = a(i) \cdot 9 + b(i) \cdot 1$
Година 2	$X(i) = a(i) \cdot 7 + b(i) \cdot 3$
Година 3	$X(i) = a(i) \cdot 5 + b(i) \cdot 5$
Година 4	$X(i) = a(i) \cdot 3 + b(i) \cdot 7$
Година 5	$X(i) = a(i) \cdot 1 + b(i) \cdot 9$
Година 6	$X(i) = a(i) \cdot 1$

При чему је:

X(i) - удио који општина/кантон има у износу средстава одређеном за општине/кантионе према ставу 1. члана 6 овог Закона;

a(i) - историјски удио који је одређена општина/кантон имала у приходима од пореза на промет свих општина/кантона;

b(i) - удио који одређена општина/кантон има у износу средстава одређеном за општине/кантионе након примјене формула из чл. 9. и 12. овог Закона.

#### Члан 22.

Федерација ће утврдити кварталне и завршне финансијске извјештаје које подносе јединице локалне самоуправе, у року од три мјесеца након усвајања овог Закона.

#### Члан 23.

Приликом примјене формуле из члана 21. овог Закона код расподеле прихода кантонима 2, 5 и 10 као кантона са најмањим приходима по становнику по основу пореза на промет, као основица a(i) користи се историјски удио који је сваки од ова три кантона имао у приходима од пореза на промет свих кантона, увећан за трансфере кантонима и нижим нивоима власти који су у 2005. години издвајани за потребе ова три кантона из Буџета Федерације.

#### Члан 24.

##### Расподјела прихода Кантона Сарајево

Укупни приходи из члана 12 овог Закона, који припадају јединицама локалне самоуправе у Кантону Сарајево, дозначавају се Кантону Сарајево који их расподјељује јединицама локалне самоуправе на основу кантоналних закона и прописа.

Јединицама локалне самоуправе у Кантону Сарајево припада 0% прихода по основу пореза на плату.

Остале одредбе из члана 12. овог Закона примјењују се на расподјелу прихода између Кантона Сарајево и општина у Кантону.

### 2. Завршне одредбе

#### Члан 25.

Даном ступања на снагу овог Закона на територији Федерације престаје примјена прописа и других аката о финансирању јавне потрошње и о припадности јавних прихода обухваћених овим Законом, који су се до дана ступања на снагу овог Закона примјењивали на територији Федерације.

#### Члан 26.

Овај Закон ступа на снагу наредног дана од дана објављивања у "Службеним новинама Федерације БиХ", а примјењује се од јануара 2006. године.

Председавајући Дом народа Парламента Федерације БиХ <b>Славко Матић, с. р.</b>	Председавајући Представничког дома Парламента Федерације БиХ <b>Мухамед Ибрахимовић, с. р.</b>
---	---

Na osnovu člana IV.B.7.a) (IV) Ustava Federacije Bosne i Hercegovine donosim

### UKAZ

#### O PROGLAŠENJU ZAKONA O PRIPADNOSTI JAVNIH PRIHODA U FEDERACIJI BOSNE I HERCEGOVINE

Proglašava se Zakon o pripadnosti javnih prihoda u Federaciji Bosne i Hercegovine koji je donio Parlament Federacije BiH na sjednici Predstavničkog doma od 23. februara 2006. godine i na sjednici Doma naroda od 14. februara 2006. godine.

Broj 01-02-301/06  
26. aprila 2006. godine  
Sarajevo

Predsjednik  
**Niko Lozančić, s. r.**

### ZAKON

#### O PRIPADNOSTI JAVNIH PRIHODA U FEDERACIJI BOSNE I HERCEGOVINE

#### I - OSNOVNE ODREDBE

##### Član 1.

Ovim Zakonom uređuje se pripadnost javnih prihoda koji su ustanovljeni zakonima na teritoriji Federacije Bosne i Hercegovine (u daljnjem tekstu: Federacija).

##### Član 2.

##### Definicija javnih prihoda

Javnim приходима, у смислу овог Закона, сматрају се индиректни порези, директни порези, накнаде, таксе, доприноси, донације и други приходи, утврђени законима и другим прописима Босне и Херцеговине, Федерације, кантона и јединица локалне самоуправе.

##### Član 3.

##### Расподјела јавних прихода

Јавни приходи, у смислу овог Закона, расподјељују се између Федерације, кантона и јединица локалне самоуправе, а služe за финансирање функција Федерације, Дирекције за цесте Федерације Босне и Херцеговине (у даљњем тексту: Дирекција за цесте), кантона и јединица локалне самоуправе.

Расподјела ових средстава утврђује се и исказује у буџету Федерације Босне и Херцеговине (у даљњем тексту: Буџет Федерације), Дирекције за цесте, кантона и јединица локалне самоуправе.

#### II - PRIPADNOST JAVNIH PRIHODA U FEDERACIJI

##### 1. Pripadnost javnih prihoda Federaciji

##### Član 4.

Federaciji pripadaju prihodi, kako slijedi:

- a) udio prihoda sa jedinstvenog računa, u skladu sa Zakonom o uplatama na jedinstveni račun i raspodjeli prihoda (Službeni glasnik BiH", broj 55/04);
- b) 100% od poreza na dobit preduzeća, banaka i drugih finansijskih organizacija, društava za osiguranje i reosiguranje imovine i lica, pravnih lica, iz oblasti elektroprivrede, pošte i telekomunikacija i pravnih lica iz oblasti igara na sreću i zabavnih igara kojima je to jedina djelatnost;
- c) naknade i takse u skladu sa federalnim propisima;
- d) novčane i druge kazne u skladu sa federalnim propisima;
- e) prihodi od prirodnih dobara u vlasništvu Federacije;
- f) prihodi od korištenja ili prodaje federalne imovine;
- g) donacije; i
- h) drugi prihodi predviđeni zakonom i drugim propisima Federacije.

#### Član 5.

Vrste javnih prihoda iz člana 4. stav 1. tač. b) do h) ovog Zakona, porez na plaću, te instrumenti na osnovu kojih se ti prihodi ostvaruju, uređuju se posebnim federalnim zakonima.

#### Član 6.

Udio prihoda sa jedinstvenog računa iz tačke a) člana 4. ovog Zakona raspodjeljuje se kako slijedi:

- a) finansiranje funkcija Federacije . . . . . 36,2%,
- b) finansiranje funkcija kantona . . . . . 51,48%,
- c) finansiranje funkcija jedinica lokalne samouprave . . . . . 8,42%
- d) Direkcija za ceste . . . . . 3,9%.

Dinamika raspodjele prihoda iz prethodnog stava vrši se prema dinamici pražnjenja sredstava sa jedinstvenog računa, a u skladu sa Zakonom o uplatama na jedinstveni račun i raspodjeli prihoda.

#### Član 7.

Federalni ministar finansija donijet će propis o uplatnim računima na koje će se uplaćivati svi javni prihodi koji se ubiru na teritoriji Federacije, u roku od 30 dana od dana stupanja na snagu ovog Zakona.

#### Član 8.

Za finansiranje javnih rashoda u oblastima: zdravstva, socijalnog osiguranja, obrazovanja, kulture i sporta, zakonom se mogu uvoditi doprinosi.

### 2. Pripadnost javnih prihoda kantona

#### Član 9.

#### Učešće kantona u raspodjeli prihoda sa jedinstvenog računa

Pojedinačno učešće kantona u raspodjeli prihoda iz člana 6. ovog Zakona vrši se na osnovu formule koja se zasniva na sljedećim omjerima:

- 57% na osnovu broja stanovnika u kantonu;
- 6% na osnovu površine kantona;
- 24% na osnovu broja učenika u osnovnom obrazovanju;
- 13% na osnovu broja učenika u srednjem obrazovanju.

Formula sadrži koeficijent, koji odražava posebne rashodovne potrebe Kantona Sarajevo. Taj koeficijent iznosi 2.

Formula sadrži koeficijent koji odražava posebne rashodovne potrebe kantona sa najmanjim prihodima po stanovniku po osnovu poreza na promet, kako slijedi:

- Bosansko-podrinjski kanton Goražde, koeficijent 1,8,
- Kanton 10, koeficijent 1,1.

#### Član 10.

#### Učešće kantona u ostalim javnim prihodima

Kantonima, pored udjela u raspodjeli prihoda iz člana 6. ovog Zakona, pripadaju i drugi javni prihodi, kako slijedi:

- a) 100% od poreza na dobit koji su uplatila sva preduzeća koja nisu navedena u članu 4. stav 1. tačka b) ovog Zakona;
- b) 71,5% od poreza na plaću uplaćenog u svakom kantonu;
- c) naknade i takse u skladu sa kantonalnim propisima;
- d) novčane i druge kazne u skladu sa kantonalnim propisima;
- e) prihodi od prirodnih dobara u vlasništvu kantona;
- f) prihodi od korištenja ili prodaje kantonalne imovine;

- g) donacije i namjenske dotacije;
- h) drugi prihodi predviđeni zakonom i drugim propisima Federacije i kantona.

#### Član 11.

Iz kantonalnog budžeta finansiraju se:

1. institucije zakonodavne, sudske i izvršne vlasti kantona;
2. zdravstvena zaštita;
3. obrazovanje;
4. kultura;
5. socijalna problematika; i,

druge potrebe utvrđene planovima rashoda kantonalne vlasti od interesa za kanton.

### 3. Pripadnost javnih prihoda jedinica lokalne samouprave

#### Član 12.

#### Učešće jedinica lokalne samouprave u raspodjeli prihoda sa jedinstvenog računa

Pojedinačno učešće jedinica lokalne samouprave u raspodjeli prihoda iz člana 6. ovog Zakona vrši se na osnovu formule koja se zasniva na sljedećim omjerima:

- 68% na osnovu broja stanovnika u jedinici lokalne samouprave;
- 5% na osnovu površine jedinice lokalne samouprave;
- 20% na osnovu broja učenika u osnovnom obrazovanju;
- 7% na osnovu nivoa razvijenosti općina, definisanog kroz indeks razvijenosti.

Formula sadrži koeficijent koji odražava posebne rashodovne potrebe jedinica lokalne samouprave čiji broj stanovnika prelazi 60.000. Taj koeficijent iznosi 1,2.

Formula sadrži koeficijent koji odražava posebne rashodovne potrebe jedinica lokalne samouprave koje su odgovorne za materijalne troškove osnovnih škola. Taj koeficijent iznosi 1,5 i primjenjuje se na broj učenika osnovnih škola.

Indeks razvijenosti općina predstavlja odnos prihoda od poreza na promet i poreza na dohodak sa Federacije, prosječnim prihodom od tih poreza po stanovniku. Koeficijenti u formuli se primjenjuju na broj stanovnika:

- a. Općine sa manje od 20% od prosjeka Federacije imaju koeficijent od 1,8.
- b. Općine sa manje od 40% od prosjeka Federacije imaju koeficijent od 1,5.
- c. Općine sa manje od 60% od prosjeka Federacije imaju koeficijent od 1,4.
- d. Općine sa manje od 80% od prosjeka Federacije, imaju koeficijent od 1,2.

#### Član 13.

#### Učešće jedinica lokalne samouprave u ostalim javnim prihodima

Pored udjela u raspodjeli prihoda iz člana 6. ovog Zakona, jedinicama lokalne samouprave pripadaju i drugi javni prihodi kako slijedi:

- a) Najmanje 28,5% od poreza na plaću uplaćenog u svakoj jedinici lokalne samouprave;
- b) 100% od naknada po osnovu korištenja i uređenja zemljišta;
- c) naknade i takse u skladu sa propisima jedinica lokalne samouprave;
- d) novčane i druge kazne u skladu sa propisima jedinica lokalne samouprave;
- e) prihodi od prirodnih dobara u vlasništvu jedinica lokalne samouprave;
- f) prihodi od korištenja ili prodaje imovine jedinica lokalne samouprave;
- g) donacije i namjenske dotacije;
- h) drugi prihodi predviđeni zakonom i drugim propisima Federacije, kantona i jedinica lokalne samouprave.

Kantoni mogu donijeti propise kojima se jedinicama lokalne samouprave povećava udio u raspodjeli prihoda po osnovu poreza na plaću.

Općinska vijeća donose propise kojima se utvrđuje visina naknada po osnovu korištenja i uređenja zemljišta, kao i visina drugih naknada, novčanih kazni i taksi u njihovoj nadležnosti.

**4. Prijenos nadležnosti****Član 14.**

Finansijska sredstva Federacije, kantona i jedinica lokalne samouprave biće srazmjerna njihovim nadležnostima, koje su im dodijeljene zakonom i Ustavom Federacije Bosne i Hercegovine (u daljnjem tekstu: Ustav Federacije). Svaki prijenos nadležnosti biće praćen finansijskim sredstvima potrebnim za njihovo efikasno izvršavanje.

U slučaju prijenosa nadležnosti iz prethodnog stava, Federalno ministarstvo finansija će predložiti Parlamentu Federacije Bosne i Hercegovine (u daljnjem tekstu: Parlament Federacije) izmjenu visine učešća pojedinih nivoa vlasti u raspodjeli prihoda predviđenih ovim Zakonom, kako bi raspodjela sredstava pojedinim nivoima vlasti odražavala novu raspodjelu javnih funkcija.

Prijedlog Ministarstva iz prethodnog stava obavezno će sadržavati finansijsku projekciju efekata predloženih promjena u pogledu visine učešća u raspodjeli prihoda za sve nivoe vlasti u Federaciji.

**III - FINANSIRANJE FEDERACIJE****Član 15.****Finansiranje iz Budžeta Federacije**

Iz Budžeta Federacije finansiraju se:

1. Parlament Federacije;
2. Predsjednik i potpredsjednici Federacije;
3. Vlada Federacije Bosne i Hercegovine;
4. federalna ministarstva i druga tijela federalne uprave;
5. Ustavni sud Federacije Bosne i Hercegovine;
6. Vrhovni sud Federacije Bosne i Hercegovine;
7. Federalno tužilaštvo;
8. Federalno pravobranilaštvo;
9. Federalno vijeće za prekršaje;
10. Ombudsmen;
11. Sudska policija;
12. ustanove i institucije koje osniva Federacija;
13. Sredstva za rekonstrukciju kao učešće u projektu Svjetske banke;
14. ustanove, odnosno zavodi od značaja za Federaciju iz oblasti:
  - zdravstva,
  - obrazovanja,
  - socijalne zaštite,
  - nauke,
  - kulture,
  - sporta;
15. ustanove za izvršenje krivičnih i prekršajnih sankcija koje osniva Federacija,
16. sredstva za pomoć kantonima i jedinicama lokalne samouprave,
17. robne rezerve.

Zakonom o izvršavanju Budžeta Federacije Bosne i Hercegovine odredit će se iznos i namjena sredstava za korisnike iz člana 15. ovog Zakona.

**Član 16.**

Kriteriji za dodjelu namjenskih grantova kantonima i jedinicama lokalne samouprave utvrđuju se podzakonskim aktom.

**Član 17.**

Sredstva za robne rezerve Federacije iz člana 14. tačka 17. ovog Zakona osiguravaju se u skladu sa programom i potrebama Federacije u slučaju vanrednih prilika, elementarnih nepogoda i radi osiguranja stabilnosti tržišta u slučaju većih poremećaja na tržištu, pod uvjetima i na način utvrđen federalnim zakonom kao i sredstva za rezerve proizvoda sa posebnom namjenom prema usvojenom programu.

**Član 18.**

U Budžetu Federacije osiguravaju se sredstva za finansiranje i drugih obaveza, potreba i zadataka koje u skladu sa Ustavom Federacije i federalnim zakonima finansira Federacija.

**Član 19.**

Nadzor nad provođenjem ovog Zakona vrši Federalno ministarstvo finansija.

**IV - PRIJELAZNE I ZAVRŠNE ODREDBE****Član 20.****Izrada formula**

Prilikom izrade formula prikazanih u ovom Zakonu, Federalno ministarstvo finansija koristi podatke Federalnog zavoda za statistiku i/ili Agencije za statistiku Bosne i Hercegovine.

**1. Prijelazne odredbe****Član 21.**

Formule iz čl. 9. i 12. ovog Zakona uvodit će se postupno tokom šestogodišnjeg perioda, prema formuli:

Godina 1	$X(i) = a(i) \cdot 0.9 + b(i) \cdot 0.1$
Godina 2	$X(i) = a(i) \cdot 0.7 + b(i) \cdot 0.3$
Godina 3	$X(i) = a(i) \cdot 0.5 + b(i) \cdot 0.5$
Godina 4	$X(i) = a(i) \cdot 0.3 + b(i) \cdot 0.7$
Godina 5	$X(i) = a(i) \cdot 0.1 + b(i) \cdot 0.9$
Godina 6	$X(i) = a(i) \cdot 1.$

Pri čemu je:

X(i) - udio koji općina/kanton ima u iznosu sredstava određenom za općine/kantone prema stavu 1. člana 6 ovog Zakona;

a(i) - istorijski udio koji je određena općina/kanton imala u prihodima od poreza na promet svih općina/kantona;

b(i) - udio koji određena općina/kanton ima u iznosu sredstava određenom za općine/kantone nakon primjene formula iz čl. 9. i 12. ovog Zakona.

**Član 22.**

Federacija će utvrditi kvartalne i završne finansijske izvještaje koje podnose jedinice lokalne samouprave, u roku od tri mjeseca nakon usvajanja ovog Zakona.

**Član 23.**

Prilikom primjene formule iz člana 21. ovog Zakona kod raspodjele prihoda kantonima 2, 5 i 10 kao kantona sa najmanjim prihodima po stanovniku po osnovu poreza na promet, kao osnovica a(i) koristi se istorijski udio koji je svaki od ova tri kantona imao u prihodima od poreza na promet svih kantona, uvećan za transfere kantonima i nižim nivoima vlasti koji su u 2005. godini izdvajani za potrebe ova tri kantona iz Budžeta Federacije.

**Član 24.****Raspodjela prihoda Kantona Sarajevo**

Ukupni prihodi iz člana 12 ovog Zakona, koji pripadaju jedinicama lokalne samouprave u Kantonu Sarajevo, doznačavaju se Kantonu Sarajevo koji ih raspodjeljuje jedinicama lokalne samouprave na osnovu kantonalnih zakona i propisa.

Jedinicama lokalne samouprave u Kantonu Sarajevo pripada 0% prihoda po osnovu poreza na plaću.

Ostale odredbe iz člana 12. ovog Zakona primjenjuju se na raspodjelu prihoda između Kantona Sarajevo i općina u Kantonu.

**2. Završne odredbe****Član 25.**

Danom stupanja na snagu ovog Zakona na teritoriji Federacije prestaje primjena propisa i drugih akata o finansiranju javne potrošnje i o pripadnosti javnih prihoda obuhvaćenih ovim Zakonom, koji su se do dana stupanja na snagu ovog Zakona primjenjivali na teritoriji Federacije.